

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**V L A D A**

Broj: 02/1-05-20196/18  
Tuzla, 01.11.2018. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/08, 13/11 i 15/17), Vlada Tuzlanskog kantona na sjednici održanoj dana 01.11.2018. godine, d o n o s i

**ODLUKU**  
**o prijemu pripravnika - volontera**

**I**

Odobrava se prijem 33 (tridesettri) diplomirana pravnika u svojstvu pripravnika-volontera (u daljem tekstu: pripravnik - volonter) za potrebe pravosudnih institucija u nadležnosti Ministarstva pravosuđa i uprave Tuzlanskog kantona, bez zasnivanja radnog odnosa, na period od 2 (dvije) godine, a radi stručnog osposobljavanja za samostalan rad na poslovima iz svoje struke i sticanja potrebnog radnog iskustva.

**II**

Broj i raspored pripravnika - volontera utvrđuje se kako slijedi:

- Kantonalno tužilaštvo Tuzlanskog kantona - 3 (tri)
- Kantonalni sud u Tuzli - 2 (dva)
- Općinski sud u Tuzli - 9 (devet)
- Općinski sud u Živinicama - 6 (šest)
- Općinski sud u Gradačcu - 3 (tri)
- Općinski sud u Gračanici - 2 (dva)
- Općinski sud u Kalesiji - 2 (dva)
- Općinski sud u Lukavcu - 2 (dva)
- Općinski sud u Banovićima - 3 (tri)
- Kantonalno pravobranilaštvo - 1 (jedan).

**III**

Stručno osposobljavanje će se obavljati bez zasnivanja radnog odnosa i bez naknade, o čemu će se zaključiti ugovor o stručnom osposobljavanju u pismenoj formi između rukovodioca pravosudne institucije i pripravnika - volontera.

**IV**

Uslovi i način prijema pripravnika - volontera, utvrdit će se javnim oglasom koji će raspisati pravosudne institucije, a koje su dužne objaviti u najmanje jednom dnevnom listu i na web stranici institucije.

## V

Pripravnik - volonter ima pravo na zdravstveno osiguranje kako je utvrđeno propisima za nezaposlena lica, a pravo po osnovu osiguranja za slučaj povrede na radu i profesionalnog oboljenja osigurava institucija kod koje se pripravnik - volonter nalazi na stručnom osposobljavanju, u skladu sa propisima o penzijskom i invalidskom osiguranju.

## VI

Pravosudne institucije koje izvrše prijem pripravnika - volontera dužne su, po okončanju procedure prijema i potpisivanja ugovora sa pripravnicima - volonterima, iste dostaviti Ministarstvu pravosuđa i uprave.

## VII

Ova Odluka stupa na snagu danom donošenja i bit će objavljena na web stranici Vlade Tuzlanskog kantona.

### DOSTAVITI:

- 1 x Pravosudnim institucijama iz tačke II Odluke
- 1 x Ministarstvu pravosuđa i uprave
- 1 x Evidenciji
- 1 x a/a



**PREMIJER KANTONA**

**Jakub Suljkanović**